

蠶桑輯要

營來輯要

楚辭集輯

光緒丙申仲春

二年

江西書局開雕

古之言治者農與桑並重詩言
蠶月條桑其地在豳孟子言牆
下樹桑其地在岐而今西北苦
寒鮮蒔桑育蠶者豈土宜異今
古地脉判肥磽歟我

聖朝

勤政恤民知民之大利非農事

一端可盡乾隆年間

欽定授時通考一書頒行直省樹藝常

經外種植織維臚載纂詳江西
書局敬梓行之大哉

帝力彌

綸乎天下萬世矣願卷帙盈尺
既不能戶置一編而親民之官

復不能於揆字之暇按籍而導
之夫是以田疇治而地力藝耕
稼勤而婦功惰也善夫歸安沈
中丞蠶桑輯要一書益溧陽沈
君所著廣蠶桑說簡而該明以
晰洵足以宣揚

德意而為化民成俗之捷訣焉曩余
守衡州曾創設蠶桑官局並印
是書散布民間而衡民始享其
利乙未歲恭膺

簡命陳臬江西其七月又拜

恩綸署理藩篆受任以來事無巨細

必躬必親罅漏者補苴之虛糜
者擢節之非敢謂弊果革利果
興也惟行吾心之所安而已竊

不解者江西與浙江相接壤何
彼以蠶桑甲天下而此獨闕然
適聞江詔吾太守華海初大令

三
試行於瑞州吉水業著成效先
得我心良深快慰爰循衡州舊
法受命

大府籌款於省垣東北隅購置
隙地建立蠶桑官局購桑秧選
醫種遴員任事既粗有就緒矣

復取是書付書局刊印頒發各
屬次第舉行務使民知其利樂
於從事庶幾田疇治而地力以
輔之耕稼勤而婦功以益之由
是而用汽機織絲綢亦可徐圖
於數年之後以杜洋綢之漏卮

與蘇鄂織局相輔而行誠江西
居民之大利也抑又問之人道
敏政地道敏樹一也江西風俗
久渝矣為民上者果能躬行表
率以期乎潛移默化上固

聖天子勵精圖治之深心尤願與親

民之官同勉之光緒丙申海虞

廿二年

翁曾桂謹敘



五

五

世人泥禹貢桑土旣蠶之說謂種桑之地必擇土性所
宜以致天下大利輒爲方隅所限不知五畝之宅可樹
桑匹婦之家可飼蠶天下有土之地皆可種桑之地皆
可養蠶之地也文王善養老於西岐孟子策王政於齊
魏俱以樹桑爲首務未嘗慮土性不宜其明證矣彼斤
斤然謂遷地弗良者皆游惰之民不善治生遂使先王
良法美意不能徧及於天下豈不重可惜哉浙之湖州
蠶桑與農事並重男耕女織寔爲風俗秉戾生長是邦
親見每年所出之絲四方來購者相望於道竊謂此利
若推之他省更可衣被無窮私願所存有志未逮同治
己巳夏奉

命備兵常鎮冬初履任後周歷各鄉野多曠土詢諸父老知

重農而不重桑迺捐廉爲倡郡之紳富亦復樂成是舉踴躍輸將遂設課桑局於南郊擇郡人之公正者司其事集資倩人至吾鄉采買桑秧得二十餘萬株分給各鄉領種並頒示章程導以培植灌漑諸法年餘以來十活八九高原下隰蔚然成林此後養蠶繅絲如法教之亦在不憚勤勞耳局董吳六符州同來請將示諭規條彙成一編付剞劂氏以廣其傳余謂勸課農桑乃分內事苟民得其利於願足矣然不欲重違其意乃博采諸家之說彙爲一編名曰蠶桑輯要又於書麓中檢得先高祖所撰蠶桑樂府二十首因並付之非欲藉以傳先

人手澤也其言簡意明人人可解或亦利用厚生之助歟江南北壤地沃衍果推而行之其美利有不可勝言者慎毋謂土性不宜讓茗嘗聞人獨專其利也同治辛未孟夏歸安沈秉成